

何氏醫學叢書之一種

新增傷寒廣要

杜就田



六也堂
藥局印行書



南京中醫藥大學圖書館藏

何廉臣先生傳

吾越何先生廉臣。以醫學聞世。羣推泰斗。己巳八月。先生壽終。諸嗣幼。廉筱廉具事略。請爲之傳。以恕之不文。於醫學未窺門徑。何足以傳君。第夙聞緒論。兼有一日之知。故不敢以固陋辭。先生諱炳元。別字印巖。以字行。行醫幾五十年。浙東西婦孺無不知有何先生者。烏乎學術道藝深邃如君。可謂名副其實矣。君壯歲成諸生。鄉試兩膺鶚薦。以微瑕見屏。遂專力於醫。初師仲聖。覃精古方。仡仡窮年。不以爲苦。既多心得。更旁及劉李四家。嗣從樊君開周數年。臨證診斷。益變化通神。於葉香巖王潛齋輩專集。致力尤深。攷覈。擇索。洞其精要。診治有得。經諭益閎。而著述益富矣。先生生平雅不欲以術鳴。日惟孳孳於學。其著作傳世。瑩瑩大者如鑑定

傷寒論識。增訂傷寒百證歌註。新增傷寒廣要。鑒定傷寒論述義。新纂兒科診斷學。新醫宗必讀。（當代民國偉人蔡元培君爲之序。）增訂時病論。何氏醫論。內科通論。增訂溫病條辨。增訂醫醫病書。溫病辨正。勘病要訣。實驗藥物學。濕溫時疫治療法。紹興醫學會課藝。總編紹興醫藥學報。暨改組名月報。警察所主考醫生試草。喉痧白喉證治全書。梁氏辨舌要略。及醫學答問。任氏醫學心源。總纂全國名醫驗案類編。何氏醫學妙諦。通俗傷寒論。廉臣醫案。印巖醫話等書。其間或撰著。或編述。或增訂。或參註。或選評。或鑒定。或校勘。或纂輯。皆損益羣言。斟酌至當。而先流行社會者。若感症寶筏。廣溫熱論。葉氏吳氏醫案按。皆引掖後起。有裨醫術。至恕所心折者。莫如通俗傷寒論。是書秉承家學。根柢諸家於溫。

熱傷寒。溝通一貫。而君則一生服膺葉氏師其道。宗其術。而又通變宣氏。洵爲獨具微尚矣。讀君之醫案醫話。知世以輕清立方者。更不可同年語也。嗟乎。君既逝矣。而世之讀君書者。疇能如君之方智圓神貫。西合中融。古今於一。鱸起死生於俄頃哉。昔龍門傳扁鵲備述方案。後世以爲知言。君之賢嗣。能世其業於醫術。更能發明光大之。其事略述先生治驗甚詳。固無容恕之贅言。特以遺箸等身。未刊布者。當亦不尠。排纂整理。亟待後人。使君之一生學術經驗。均有統系。不至散漫無歸。如航海者。不知所棲泊。則君之精神爲不死矣。君生於咸豐庚申。卒於民國己巳。春秋七十。娶夫人嚴氏。以內助稱賢。今年春葬謝墅鄭家山牛羊崗之原。予爲之論曰。學醫人費。世之人略誦靈蘭。未窺金匱。輒欲懸壺。若

先生者終其身。在醫海中。未嘗以術自高。而日以學自勵。香巖澗溪。天姿卓然。高風邈矣。如吳淮陰。惟知宗尙葉氏。而識力不閔。時見批繆先生。能祖而匡。正之博。而能精。並世醫界中。如先生者。有幾人哉。實茂聲宏。宜賢子之昌大其業。不徒能讀父書也。予於香巖。潛齋。洄溪。鞠通。諸家。均輯有小傳。鈎提玄要。而於君之學。飲海一勺。無能窮其涯涘。博大閎深。覺有清一代浙派諸家。皆侔乎後矣。

庚午仲冬素藏王恕常拜手謹撰

斟酌古今
貫中西
自歸老朽
越州楚

康臣妹倩 心仲春
以有制命題墨作
心言韵語以應
時互

中華民國六年仲秋
月 姻愚弟 嚴健春
敬題時年七十過



向廉臣先生遺像



中國醫藥大學圖書館版權所有

胃氣清
胃氣清
胃氣清
胃氣清

周文郁題



溫故知新

引經據典

衷中參西

光前裕後

幼廉仁兄有道

弟周文郁敬題



馬一先生

中醫藥大學圖書館版權所有

增訂 傷寒百證歌註

每冊四本定價

中紙二元四角
洋紙壹元八角

傷寒論識

每冊六本定價

中紙二元四角
洋紙壹元八角

新增 傷寒廣要

每冊六本定價

中紙二元四角
洋紙壹元八角

傷寒論述義

每冊二本定價

中紙壹元
洋紙七角

通俗傷寒論

印刷中

增批 溫病條辨

每冊五本定價

中紙二元
洋紙壹元四角

感症寶筏

每冊八本實價

連史二元四角
洋紙一元六角

重訂 廣溫熱論

每冊六本實價洋紙一元六角

北京中医药大学图书馆藏

何廉臣先生事略

何君諱炳元。字廉臣。別署印巖。浙江紹興縣籍。自幼攻舉子業。早博青衿。而鄉試兩薦不售。遂專習醫學。先與沈蘭垞嚴繼春沈雲臣三君。講習古醫學說。約三年。漸通軒岐經旨。仲景方義。繼從名醫樊開周臨證三年。始知症候之傳變。療法之活潑。初君篤守古方。意在尊經。樊君則謂傳世與行世迥異。江浙濱海。停江地土原濕。先賢發明療治濕燥溫暑諸法之實驗。不可偏廢。君方兼攷明清各家學說。出以問世。效者固多。猶有不效者。乃決計出遊訪道。集思廣益。寓蘇垣僅一年。居滬江者三年。每遇名醫。輒相討論。類皆云陰陽升降。五行生剋。運氣流行諸玄說。卽侈然自足。而於切實調治之方法。精確不磨之學理。十無一二。益嘆祖國之明醫何

其寥落若晨星耶。乃多購泰西譯本。悉心研究。復令哲嗣幼廉。從東西醫遊。飽飫新知。折衷舊學。在郡垣懸壺行道四十餘年。實地經驗。兩相比較。始知西醫學之未必皆可取。中醫學之未必盡可棄也。歷任紹興醫學會長。清季首創紹興醫藥學報。前後出八十餘期。民十紹興縣警察所長考試中醫。君被舉爲主試。遴選真才羣慶明允。備載試藝選刊。生平著作。內斟古今。外參東西。所著有濕溫時疫治療法。內經存真。全體總論。內科通論。何氏醫論。實驗藥物學。藥學粹言。藥學彙講。肺癆彙辯。新醫宗必讀。中風新詮。痛風新詮。內科證治全書。婦科學粹。勘病要訣。新方歌訣。續古今醫案按。葉天士醫案按。吳鞠通醫案按。兒科診斷學。廉臣醫案。印巖醫話。傷寒論識。傷寒百證歌註。新增傷寒廣要。傷寒論述義等。復

將先賢遺著參訂行世。則有重訂感症寶筏（卽吳坤安傷寒指掌）重訂廣溫熱論（原係戴北山廣瘟疫論經陸九芝刪潤而定今名）。先是君祖秀山公選按俞根初氏通俗傷寒論。君復校勘而梓行之。餘如吳鞠通醫醫病書。何書田醫學妙諦。均加校增付刊。輒近總纂全國名醫驗案類編。已風行海內矣。君生於咸豐庚申十二月二十日。卒於民國己巳八月十二日。春秋七十。哲嗣幼廉。筱廉。篤學精詣。能傳其業。後學不敏。讀先生著述有年。情殷私淑。謹採書報。摭成事實。俾後之編中國醫學史。暨修浙省縣志者。得以採擇焉。

庚午孟夏後學無錫周鎮小農拜手謹撰於惜分陰軒

新增傷寒廣要

緒言

嘗覽淺田栗園曰。自古以來。講演傷寒者。醫籍充棟。賢愚不等。偏見迂論者。不可勝數。亦毋庸詳辨博考。只驗聖經賢傳緊要之書。揣摩精究。自然學術日進。多紀芭庭所謂講求軒岐。長沙之經。抉擇歷代良師之著。以切臨病處。藥之。際是吾家爲學之方。亦卽吾家爲醫之訣。是以先君子蒐羅天下醫書。以貽子孫。其意一在後之人善讀而善用之焉。已。所以後之醫者。必取鎔醫經而後識見。正必參酌經方。而後手段精。必廣療疾。而後運用極。故不明醫經經方之旨者。雖其業大行。僥倖不足觀。明醫經經方之旨者。雖一匙半劑。亦具有規則。按此數語。爲後學開正路。傳醫統。一一當書紳之學語也。雖然。假使有精當之學理。真確之經驗。原不妨於仲景所言者之外。別樹一幟。然必其所言者。與仲景

相發而後可。如讀仲景之書。用仲景之法。然未嘗守仲景之方。乃爲得仲景之心者。若日本東都丹波亦柔所撰之傷寒廣要是也。其自言哀諸家之精要。而成此編。以其廣經旨。題曰廣要。廉臣虛中切理。細心研究者有年矣。檢其所探書目。凡一百六十一部。條分縷晰。凡十二卷。卷第一綱領。卷第二診察。卷第三辨證。卷第四太陽病。少陽病。卷第五陽明病。卷第六太陰病。少陰病。厥陰病。卷第七兼變諸證上。卷第八兼變諸證中。卷第九兼變諸證下。卷第十餘證。卷第十一別證。卷第十二婦兒雜載。自後漢晉隋唐宋以迄金元明清。集歷代名醫之學說。實地經驗。竭畢生心力以從事。當夫縱心孤往。必熟察夫天時之寒熱。地氣之燥濕。世運之治亂。人身之強弱。微細而剖析之。迨一旦豁然貫通。則神明變化。或涼或熱。或補或伐。如良相治國。名將用兵。投之而無不如意。雖偶有一偏之論。要皆其真積力久。有所獨得之祕也。是卷蒐羅名言。間附評語。皆嚴於去取。折衷精當。學者能優而柔之。饜而飫之。復神而明之。自能深入堂奧。深

得仲景真傳。故熟此一書。勝讀百數十部他家之書。號曰廣要。誠名副其實也。廉臣得益於是書甚多。爰述其涯略於簡端。

民國十七年夏歷十月望越醫何廉臣識於紹興臥龍山麓之宣化坊



新增傷寒廣要原序

余弟亦柔。夙承箕業。與余同硯席。交師友。議論切劘。屹屹窮年。以研方術爲念。頃著一書。謂余曰。傷寒之爲病也。自古稱以大病。謂爲難治。南陽張子所以傷宗族之淪喪。慨時士之蒙昧。尋訓以定經方也。苟志于醫者。固當究之急務。孰不講明其理乎。然退而思繹歷代諸家治傷寒之法。似不甚通曉張子之意。先君子所編輯義。芟除轆轤。精義入神。經旨於是無復餘蘊焉。弟更憾古人之爲其說者。雜糅多歧。有使後學猶不得闚張子之門牆者。蓋軒岐所敍。祇是熱病。表陽裏陰。以分六經。準日期擬汗下。言常而不及變。舉綱而不及目。張子觸類長之。以陰陽標寒熱。以六經配表裏虛實。常變兼該。細大不遺。立名約而析事明。使人易辨識。但總外感。而名傷寒。先聖後聖。其揆一也。後人不察張子內經兩途分鑣之故。彼此傳會。強配其目。或不知傷寒爲外感總謂。實求邪氣。以立